


## 2017ko abenduan erregistratutako langabezia

2017ko abenduan zehar LANBIDEko bulegoetan 746 langabe gutxiago erregistratu dira. Horrek esan nahi du jaitsiera balore erlatiboetan %0,58koa izan dela, eta 127.547 langabe daudela. Gaur egungo datua aurreko hilabeteko datuekin alderatzen badugu, hilabetea guztiz ona ez dela izan esan dezakegu, nahiz eta langabe kopurua murriztu, murrizketa horren erritmoa ez baita izan azken hilabetetakoaren berdina. Aldiz, datua krisi aurreko eta krisi garaiko datuekin alderatzen badugu, hilabete honetako datua ona da, urte haietan, abenduan, langabezia igo egiten baitzen. Azken urteetan, Gabonetako kanpainaren ondorioz, abendua langabezia murrizten den hilabetea da. Orokorrean, hilabetea ona izan da.

### Langabetuen hilabeteko saldoaren bilakaera



Urte arteko eboluzioari dagokionez, 8.626 pertsonetan murrizten da langabezia. Hilabete honetan ere urte arteko murrizketaren erritmoa apaltzen doa.

### Erregistratutako langabetuen urte arteko saldoaren bilakaera



### • S E X U A

Azken hilabeteen langabezia emakumezkoen artean jaitsi egin da eta gizonezkoen artean igo. Lehenengoen artean %2,18 jaitsi da eta bigarrenengoen artean %1,49 igo. Urtearteko saldoari dagokionez, gizonen artean %9 murriztu da, eta emakumeen artean, berriz, %4,08 soilik. Gaur egun langabeen %55,51 emakumeak dira. Krisia hasi zenean, aldiz, langabe kopurua berdintzua zen bi sexuetan, gizonezkoen artean langabezia orain baino handiagoa zen eta. Gizonezkoen artean krisiaren eragina handiago izan zen, baina talde hau errekonferazio ahalmen handiago erakusten ari da.

## 2017ko abenduan erregistratutako langabezia

### • A D I N A

Azken hilabete honetan langabezia adin tarte guztietan murriztu da, 35-44 urte artekoen artean izan ezik. Murrizketa handiena 16 eta 25 urteko pertsonen artean izan da. Urte arteko saldoan korrelazio handia ikusten da langabeziaren jaitsieraren eta langabezian dauden lan eskatzaileen adinaren artean. Langabeen ia erdiak 44 urte baino gehiago ditu, laurden batek ez ditu 35 urte baino gehiago eta beste laurdenak 35 eta 44 urteen artean kokatzen dira. Langabeak zenbat eta zaharragoak izan orduan eta zailtasun handiagoak dituzte laneratzeko. Ekonomia, egun, hobetzen ari bada ere, egiturazko langabezia handia utziko du krisiak langabe zaharren artean.

### • J A R D U E R A E K O N O M I K O A

Abenduan zehar langabezia Zerbitzu sektorean 939 pertsonetan murriztu da, industrian 430 pertsonatan hazi, eraikuntzan 106 pertsonetan hazi, eta lehen sektorean 33 pertsonatan murriztu. Aurretik enplegurik izan ez dutenen artean 310 pertsonetan murriztu da. Balore erlatiboetan eta aurreko urteko datuarekin alderatuz eraikuntza sektoreko murrizketa nabarmentzen da, %15,4eko jaitsiera, baita industria sektorekoa (%8,1eko jaitsiera) eta lehen sektorekoa (%6,7ko jaitsiera) ere.

Datuak zehatzago aztertuta, langabezia jaitsiera handiena izan duen jarduera txikizkako merkataritza izan da 365 langabetu gutxiagorekin. Jaitsiera nabarmenak izan dituzten beste jarduerak ondorengoak izan dira: eraikuntzetako zerbitzuak eta lorezaintza jarduerak (-314), egoitzetako laguntza (-255), administrazio publikoa (-142) eta osasun jarduerak (-126). Abenduan langabeziaren igoeragatik nabarmentzen diren jarduerak hauek dira: enpleguarekin erlazionatutako jarduerak (+702), hezkuntza (+162) eta produktu metalikoen fabrikazioa (+144).

### • L A N G A B E Z I A R E N I R A U P E N A

Hilabete honetan, epe laburreko langabezia (-887) murriztu da eta epe luzekoa (+141) igo. Urte osoari begiratuz gero, ikusten da jaitsiera handiagoa izan dela epe luzeko langabeen artean (%6,94 eta %5,65%). Ekonomiaren susperraldia, bada, aukerak eskaintzen ari da langabe kronifikatuenei.

### • L A N G A B E T U E N K O K A P E N G E O G R A F I K O A

Azken hilabetean langabezia Bizkaian murriztu da gehien, %1eko jaitsiera, 763 langabe gutxiago. Araban %0,6 murriztu da, 129 langabe gutxiago, eta Gipuzkoan %0,4 langabe gehiago erregistratu dira, 146 langabe gehiago.

Urte arteko saldoari erreparatuz Gipuzkoak erregistratu du eboluzio onena %8,1eko jaitsierarekin, Arabak jarraitzen dio %6,7ko jaitsierarekin; Bizkaian %5,4 murriztu da. Erregistratutako langabezia indizea Gipuzkoan %9,9koa da, Bizkaian eta Araban nabarmen altuago da, %13,3 eta %12,7 hurrenez hurren.

Hiriburuak aztertuta, ikusten da Bilbon jaitsi dela gehien langabezia, azken hilean 340 langabe gutxiago zenbatu dir75 56 gutxiago. Beste eskualde hauetan ere nabarmen egin du behera langabeziak abenduan: Ezker Eskualdea (-397), Gobiela (-177) eta Enkarterriak (-81).

## 2017ko abenduan erregistratutako langabezia

### • L A N G A B E Z I A - P R E S T A Z I O A

2017ko abenduan 36.123 langabek kobratu dute langabezia-prestazioaren bat, hau da, aurreko hilean baino 760 langabe gutxiagok. Langabeen %28,3k du gizarte-prestazio hori jasotzeko eskubidea. 20.749 langabek jasotzen dute ordaindutakoaren araberako prestazioa, hau da, langabeen %16,3 dira horiek. 15.374 langabek (%12,1), berriz, langabeziagatiko prestazioa jasotzen dute.

Aurreko hilarekin alderatuz, langabeziagatiko estaldura-tasak 0,4 puntu murriztu da, aurreko urtearekin alderatuz 0,6 puntu.

### • I K A S K E T A M A I L A

Langabeen %62,2k (79.365 lagun), oinarrizko ikasketak ditu, gehienez ere. Azken hilean, oinarrizko prestakuntza dutenen artean 261 langabetu gutxiago erregistratu dira. Talde horretan %6,9 jaitsi da langabezia azken urtean, gehien murriztu den taldea izanik.

Batxilergo-titulua duten pertsonak langabeen %8,6 dira. Talde horretan %0,2 jaitsi da langabezia azken hilean, eta azken urtean %5,4.

Lanbide-heziketa ikasi eta langabezia dauden lagunak 21.493 dira, hau da, langabeen %16,9. Talde hau abenduan zehar %1,8 murriztu da, eta azken urtean %6,1 murriztu da.

Azkenik, langabeen %12,3k (15.679 lagun), egin ditu unibertsitateko ikasketak. Ikasketa maila hau dutenen artean %0,4 murriztu da langabezia azken hilabeteetan eta %6,3 azken urtean.

### • J A T O R R I A

Langabeen %16,3 (20.734 lagun), atzerritarrak dira. Azaroarekin alderatuta, ikusten da langabezia hazi dela atzeritarren artean, %0,13, eta bertakoen artean %0,72 murrizten da.

Langabe atzeritarren %35,9a Afrika iparraldekoak dira, %20,1 Latinoamerikatik datoz, %19,8a Europako Esparru Ekonomikotik, %15,8a Saharaz hegoaldeko Afrikatik, eta %5,7, azkenik, Asiatik.

### • K O N P A R A K E T A E S T A T U K O D A T U E K I N

Estatuan 61.500 langabe gutxiago daude. Horrek esan nahi du langabezia %1,77 murriztu dela eta orain, guztira, 3.412.781 langabe daudela erregistratuta; EAEn, aldiz, %0,58 murriztu da. EAEn mugakide diren autonomia-erkidegoetan bilakaera ondorengoa da; Nafarroan %1,45 hazi da, Errioxan %1,34 hazi da, Kantabrian, berriz, %2,24 murriztu da eta Gaztela eta Leonen %0,53 murriztu da. Katalunian %1,05 murriztu da, eta Madrilan %2,02.

# 2017ko abenduan erregistratutako langabezia

## Lan-eskatzaille langabeak 2017ko abenduan

	abe-2017	aza-2017	Saldoa	Bil %
<b>SEXUA:</b>				
GIZONEZKOAK	56.740	55.909	831	1,49
EMAKUMEZKOAK	70.807	72.384	-1.577	-2,18
<b>25 URTEZ AZPIKOAK:</b>				
GUZTIRA	7.073	7.389	-316	-4,28
GIZONEZKOAK	3.482	3.604	-122	-3,39
EMAKUMEZKOAK	3.591	3.785	-194	-5,13
<b>25-44 URTE:</b>				
GUZTIRA	57.627	57.449	178	0,31
GIZONEZKOAK	25.072	24.338	734	3,02
EMAKUMEZKOAK	32.555	33.111	-556	-1,68
<b>45 URTEZ GORAKOAK:</b>				
GUZTIRA	62.847	63.455	-608	-0,96
GIZONEZKOAK	28.182	27.967	215	0,77
EMAKUMEZKOAK	34.661	35.488	-827	-2,33
<b>SEKTOREA:</b>				
NEKAZARITZA ETA ARRANTZA	2.990	3.023	-33	-1,09
INDUSTRIA	15.907	15.477	430	2,78
ERAIKUNTZA	10.503	10.397	106	1,02
ZERBITZUAK	83.631	84.570	-939	-1,11
AURREKO ENPLEGURIK GABE	14.516	14.826	-310	-2,09
<b>LURRALDE HISTORIKOA:</b>				
ARABA	20.639	20.768	-129	-0,62
BIZKAIA	72.936	73.699	-763	-1,04
GIPUZKOA	33.972	33.826	146	0,43
EAE	127.547	128.293	-746	-0,58

	Langa- betuak	Erregistra- tutako langabezia indizea	Aurreko hilabetea		Aurreko urtea	
			Saldoa	Bil %	Saldoa	Bil %
Bidasoa Behera	4.275	11,5%	-26	-0,60	-426	-9,06
Oarsoalde	3.826	11,0%	21	0,55	-371	-8,84
Donostia-S.Seb.	8.323	9,4%	-121	-1,43	-410	-4,69
Donost.Mendebalde	3.366	9,7%	36	1,08	-317	-8,61
Tolosalde	2.262	10,0%	15	0,67	-246	-9,81
Urola Erdia	1.457	9,9%	42	2,97	-151	-9,39
Goiherri	1.708	8,4%	-6	-0,35	-227	-11,73
Deba Garaia	2.603	8,7%	44	1,72	-406	-13,49
Deba Behera	3.147	12,3%	112	3,69	-173	-5,21
Urola Garaia	1.191	10,2%	9	0,76	-112	-8,60
Urola Kosta	1.814	8,4%	20	1,11	-154	-7,83
<b>GIPUZKOA</b>	<b>33.972</b>	<b>9,9%</b>	<b>146</b>	<b>0,43</b>	<b>-2.993</b>	<b>-8,10</b>
Vitoria-Gasteiz	16.072	13,2%	-75	-0,46	-1.115	-6,49
Aialako Ibarra	2.495	13,6%	21	0,85	-187	-6,97
Arabar Errioxa	749	13,8%	-26	-3,35	-36	-4,59
Arabako lautada	740	10,1%	-4	-0,54	-82	-9,98
Gorbeia inguruak	245	5,4%	-7	-2,78	-43	-14,93
Arabako Ibarak	410	8,4%	-21	-4,87	-40	-8,89
Arabako Mendialdea	115	7,8%	-9	-7,26	-13	-10,16
<b>ARABA</b>	<b>20.826</b>	<b>12,7%</b>	<b>-129</b>	<b>-0,62</b>	<b>-1.492</b>	<b>-6,74</b>
Gobela	5.205	10,1%	-177	-3,29	-267	-4,88
Txorierrri	2.381	10,7%	-66	-2,70	-181	-7,06
Uribealde	3.157	9,6%	-72	-2,23	-388	-10,94
Durangalde	3.796	10,4%	303	8,67	-96	-2,47
Busturialdea	2.408	11,1%	62	2,64	-271	-10,12
Lea-Artibai	1.118	9,3%	110	10,91	-26	-2,27
Enkarterriak	2.333	15,1%	-81	-3,36	-202	-7,97
Arratia-Zornotza	1.582	9,3%	22	1,41	-201	-11,27
Arratia-Nerbioi	1.478	11,5%	-2	-0,14	-143	-8,82
Bilbo	25.150	15,3%	-340	-1,33	-1.031	-3,94
Ezkerraldea	19.178	15,7%	-397	-2,03	-892	-4,44
Ibaizabal	4.963	12,7%	-132	-2,59	-419	-7,79
<b>BIZKAIA</b>	<b>72.749</b>	<b>13,3%</b>	<b>-763</b>	<b>-1,04</b>	<b>-4.141</b>	<b>-5,37</b>
<b>EAE</b>	<b>127.547</b>	<b>12,1%</b>	<b>-746</b>	<b>-0,58</b>	<b>-8.626</b>	<b>-6,33</b>